

Publication/Creation

June 1949

Persistent URL

<https://wellcomecollection.org/works/qggwgwax>

License and attribution

Wellcome Library; GB.

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.

tum:aceti acerrimi. s. i. cedriæ s. i. aluminis fissi p. i. i. teritur alumen cum aceto, miscetur deinde cedria, & unâ omnia uaso æneo coquuntur, tæda pingui mota, donec in mellis spissitudinem temperatam redigantur. hoc medicamento si quis ter in mense dentes perfricuerit, dolorem eorum non experietur.

Muria lacertorum

*aves-acre
red rattle
houn*

Ad dentium dolorem bene facit muria ex piscibus lacertis ueteribus, si quis ea subinde os colluat: uel herbam pedunculariam si quis coman-
ducat, & subinde pituitam, id est humorem noxium expuat: uel marrubio sicco contuso & cribrato, si quis dentem cum gingiuis tegat. Facit bene & aqua in qua marrubium coctum est, cum os aliquis inde colluerit. Item millefolium commanducatum, uel anemones herbæ radix cum pari pondere fici commanducata, pituitam dentium detrahit. Cornum ceruinum combustum tritum cum aceto, dentibus adpositum prodest. Radix lathi cum uino cocta, uel tæda pinguis incocta aceto, uel papaueris capita, & cortex malipunici pari pondere uino incocta, uel tithymali radix similiter cum uino cocta, uel colocynthidos interiora cum lacte & aceto pari mensura trita atq; permixta, uel alterci radix cum aceto cocta, uel capparis radix cocta cum aceto uetere, uel iunci radix quam græci cyperum appellant, uel cucurbitæ radix quam idem sonchon appellant, uel pyretrum commanducatum, aduersum dolorem dentium plurimum profunt, si & aqua ipsa qua incoquantur ore teneatur.

Cyperus iuncus

Cucurbita
Sonchos

Rosæ floris quod est luteum * vii. crocomagmatis * octo, myrræ * octo, gallæ syriacæ * iiii. his in unum mixtis & tritis uti oportet siccis, ut hoc ex puluere gingiue assidue dentesq; tægantur. Rosæ lapillos uel grana quæ in folliculis eius postea quam esse desierit inueniuntur, assabis & in puluerem rediges ad * iiii. floris quoque eius sicci * ii. myrræ * i. teri facies & sicco puluere aduersum dolorem dentis uteris: ita ut prius os colluas aceto falso tepido.

Rosæ caninæ succi quam Græci cynocytidam uocant, uel ipsius herbæ radicis * ii. lycij * i. cum uino austero coqui facies, & adijcies aluminis * iiii. myrræ * i. & de sepiarum testis quæ sunt interiora * ii. his tritis & in unum concorporatis, dentes & gingiuas continges, post hoc uino austero os collues. Cyperi * viii. sandarachæ * vii. gallæ duas partes, piperis albi * i. aluminis fissi * ii. myrræ * ii. & huius medicamenti similis est usus sicut superioris, ut sicco puluere gingiue & dentes tangantur assidue, & post uino uetere os eluatur.

Sinapis grani * iiii. piperis * i. herbæ pedunculariæ siccæ * vi. cyperi idem, nitri * ii. pyretri * iiii. origani * iiii. lauri foliorum tenerorum * i. bituminis aridi * vi. in sole hæc omnia teruntur, & ex aqua deinde pastilli fiunt, quorum unus ad diem datur commanducandus dentiū causa.

Piperis * ii. sinapis in grano * xii. anesi * vi. uuæ passæ pinguis exgranatæ * xxii. pyretri * iiii. herbæ pedunculariæ * iiii. hyssopi de denario duas partes, lauri folia numero x. eris floris * ii. hæc cum melle decoquuntur, atq; inde pastilli facti ob salubritatē dentium

commanducantur.